

Cumbre di turtuganan marino y iluminacion di beach

ORANJESTAD – Recientemente a tuma lugha un cumbre cu a trata e tema di turtuganan marino y iluminacion riba beach. Aki tabata tin varios orador cu a trata e tema e ecologia di turtuganan y tambe nan conservacion.

Oradornan presente na e cumbre aki tabata dr. Karen Eckert, kende ta director ehecutivo di "Wider Caribbean Sea Turtle Conservation Network (WIDE-CAST)", Erik Martin, director científico y vice presidente di Ecological Associates Inc., Sietske van der Wal, Biologo Marino di Turtugaruba y Sue Stephenson. Sr. Bill Marriott tabata anfitrión di e cumbre aki

Diferente tema

Varios tema a wordo toca durante e cumbre aki, cu a tuma lugha den Ritz Carlton, caminda cu varios interesado a sa di presenta, pa asina pone nan mes na altura di e conservacion y ecologia di e turtuganan cu ta presenta na nos costanan zuid y west di Aruba.

Ciencia marino

Por considera esaki como un ciencia marino, mirando cu tin di haber cu nos eco sistema y e conservacion di fauna marino pa asina e especienan no bay perdi. Durante e cumbre a wordo ilustra e estilo di

bida di e turtuganan. 90% di nan ta biba riba lama, pero mayoria di nan ta sambuya bay bao di awa. E resto, esta e turtuganan femenino den algun ocasion, ta subi tera unicamente pa por pone nan webo. E turtuganan ta pone un averahe di 1000 webo, di cual sigur, sigur uno lo yega na bira un adulto.

Luznan artificial

Loke tabata remarcabel durante e cumbre aki tabata e mencion di uzo di luz. Segun e expertonan, luz ta guia, caminda e turtuganan ta wordo



orienta pa bay tera pa asina broei. Pero di un otro banda, tin e luznan artificial, cu por desvia nan for di nan ruta y no por pone webo na e luganan custumbra. Luz artificial ta mal informacion, manera a wordo menciona durante e cumbre. Tabata tin varios recomendacion cu a wordo duna. En-

tre otro restaura e duna nan natural como tambe mantene e vegetacion. Tambe pa loke ta e parti di luz, a recomenda pa uza miho luznan geel, cora of oranje.

Neishinan riba Eagle Beach

Manera cu por mira riba beach durante e ultimo simannan, tabata tin varios lugha riba Eagle beach cu tabata pone baricada pa asina proteha e area di e webonan. Esaki ta un manera pa conscientisa publico pa no mishi cu nan, pasobra e especienan aki



Especienan

Tin un variedad di turtuga cu ta bishita nos isla. Entre nan nos ta haya e drierkiel, turtuga blanco, Cawama y e Caret. E adultonan cu ta bin pone webo, hopi biaha tin un edad basta halto, pero pa mantene esaki, expertonan ta bisa cu tin cu tene e habitat limpi.

Campaña di conservacion

Un campaña cu sigur ta yudando den conservacion di e habitat di e turtuganan aki na Aruba, ta e diferente limpieza di beach cu ta tuma lugha durante varios biaha pa aña. Tambe medianan social como di prensa, ta wordo uza pa asina yuda cu e conservacion y proteccion di e animalnan aki. Nos tur kier mira e turtuganan aki hiba un bida largo. Loke tambe ta cumbini ta e marcamento di e neishinan como tambe

proyectonan escolar cu ta yuda muchanan ta conscientemente. Con nos como ciudadano por haci pa e animalnan aki? Na momento di subi tera, percura cu nan ta den un bon fresco, pone un tent por ehempel pa nan ta den fresco y tambe si por logra haya e chens, mishi cu su barica, pa e sa cu nos ta di buena fe. Hopi di e informacionnan aki a wordo palabra durante di e cumbre.

Finalmente esunnan por a participa na e tayer y tambe por a trece nan puntonan dilanti con nan por aporta na conservacion y proteccion di turtuganan.

Esaki ta un di e hopi cumbrenan cu lo por tuma lugha na Aruba, pa asina no solamente nos hiba un bida green, pero tambe duna nos e guianan necesario pa proteccion di nos flora y fauna. □